



# COMUNU DE FURTEI

## PROVÍNCIA DE SU CAMPIDANU DE MESU

CÓPIA N. 013

### VERBALI DE DELIBERAZIONI DE SA GIUNTA COMUNALI

CHISTIONI:

**PROGETU PRELIMINARI, DEFINITIVU/ESECUTIVU  
INTERVENTUS COMUNALIS PO SU TRABALLU ANNU  
2010 –  
MUDA DE SA SCUADRA DE TRABALLU**

S'annu **DUAMILLAUNDIXI** sa dì **OTU** de su mesi de **FRIAXU** me in s'apostu de is atóbius. Fatas prima totus is cosas naradas me in sa Lei chi c'est imoi, funt stétius tzerrius oi a s'atóbiu is componentis de sa Giunta Comunali.

A sa tzerriada funt:

#### **PRESENTIS**

CAU Dr LUCIANO  
LEO TOLMIRIO  
MANZARI ANTONIO

PRINZIS PAOLETTO

#### **ASSENTIS**

PINNA ANDREA

A s'atóbiu c'est su Segretàriu Comunali **SOTGIU D.SSA ISABELLA** chi fait custu verbali. Biu ca su nùmunu de is chi ci funt est comenti narat sa lei, su Sennori **CAU DR. LUCIANO** pigat sa presidéncia e narat ca est obertu s'atóbiu po fueddai de sa chistioni ca est narada apitzus.

## SA GIUNTA COMUNALI

Biu s'àutu cosa sua n° 10 de su 26.01.2011, innoi si narat ca ei po is progetus preliminaris, definitivus e esecutivus de su cantieri po su traballu annu 2010;

Cunsiderau ca custus tèmpus progetualis nant ca is traballus depint éssiri fatus de una squadra de traballu fata de n° 2 operàius comunus incarrigaus de s'allichididura de is bias e de is aposentus, Cat. A3 – part time 25 oras chi tenint sa patenti B, e de n° 1 operàiu cualificau giardinieri incarrigaus de s'allichididura de is logus birdis, Cat. B1 – part time 25 oras chi tenit sa patenti C;

Biu ca, segundu su CNL. EE. LL. chi c'est, po is operàius comunus, no podit éssiri domandada una categoria con progressionis orizzontali prus manna A1, arruendindi puru s'obligu de ténniri sa patenti B, domandada a s'abisóngiu;

Cunsiderau ca c'est abisóngiu de mudai custa squadra de traballu, ponendinci aiuntru, n° 2 operàius comunus cun categoria A1, a su postu de sa categoria A3 narada po sbàgliu me is progetus chi funt naraus apitzus;

Cunsiderau ca custus traballadoris podint éssiri pigaus de sa graduatòria chi c'est po su PSO 2009, cabendindi segundu s'ordini progressivu;

Cun votus ugualis po totus;

### DELÍBERAT

1. de mudai sa squadra de traballu narada me is progetus preliminaris/definitivus/esecutivus, scéti po is operàius comunus, ponendinci puru n° 2 operàius comunus incarrigaus de s'allichididura de is bias e de is aposentus, Cat. A1 – part time 25, chena mudai su tèmpus de su cuntratu;

2. de cunsiderai ca is traballadoris de sa cat. A1 podint éssiri pigaus de sa graduatòria chi c'est de su PSO 2009 ca balit ancora;

3. de dichiarai, pustis de una votazioni uguali po totus, custu àutu esecutivu a manera dereta segundu su chi narat su coma 4°, art. 134 de su T.U. (D.Lgs. 267/00).

Custu verbali benit sutascritu aici:

SU PRESIDENTI  
FIRMAU CAU DR. LUCIANO

SU SEGRETÀRIU  
FIRMAU SOTGIU D.SSA ISABELLA

PARERI: REGOLARIDADI TÉNNICA (Art. 49 D.Lgs.  
267/2000)

BIU: cun pareri favorevoli.

SU RESPONSÀBILI DE SU SERVÍTZIU  
FIRMAU SERGI GEOM. ANTONIO

PARERI: REGOLARIDADI CONTÀBILI (Art. 49 D.Lgs.  
267/2000)

BIU: cun pareri favorevoli.

SU RESPONSÀBILI DE SU SERVÍTZIU  
FIRMAU ULARGIU RAG. GIOVANNI

Si dichiarat ca cópia de custa deliberatzioni est publicada me in s'Albu Pretoriu de custu  
Comunu po 15 dis de sghida a cumentzai de su  
10/02/2011

Furtei, su 10/02/2011

SU SEGRETÀRIU  
FIRMAU SOTGIU D.SSA ISABELLA

Cópia cunformi a s'originali  
Furtei, su 10/02/2011

Su Funtzionàriu Incarrigau